

中華民國七十二年六月三十日出版

邵元冲先生文集（全三冊）

定價：精裝新臺幣六〇〇元 美金二〇・七元

編輯者：中國國民黨中央委員會黨史委員會

經銷處：中央文物供應社

臺北市中山南路十一號
郵政劃撥帳號一四六一八號

臺北市重慶南路一段一〇六號
郵政劃撥帳號二一八一號

承印者：中華印刷廠

臺北縣新店市大坪林文化路二號

凡 例

一、邵元冲（翼如）先生，早年受知於國父，於主義體認獨深。嗣爰追隨先總統蔣公，股肱陳力，甚受倚重。南京奠都後，先後主持杭州市政、參與立法及考試工作，並領導本黨宣傳與黨史編纂，於黨國大計極具貢獻。二十五年十二月西安事變，不幸殉國。茲蒐集其遺文著述，彙為一編，藉以窺見其襟抱、學問與事功。

二、本文集概分為論述、演講、函電、詩詞及雜著等五編。係收錄黨史會庫藏及向各方徵集之著述文字，編輯而成。

三、本文集各類文字之編排，均以著述年月先後為序，採用陽曆；時日不能確知者，則依內容，以類相從。

四、本文集所刊文字，原有標題者，仍如其舊；其或有文無題者，則擇其主旨酌擬標題，便於檢閱。

五、本文集卷首選錄遺照、合照及墨蹟，並附傳略，以供參閱。

六、本文集疏漏舛誤之處在所難免，尚請邦人君子不吝教正。

邵翼如先生傳略

先生名元冲，字翼如，浙江紹興人。邵之先出於召康公，康公分陝於周，有甘棠之愛，詩人美之，弈世載德，至宋康節先生以理學顯。建炎南渡，有名逸者，由洛陽遷會稽，越之有邵氏自逸始，是爲先生第七世祖。曾祖士楨，祖世秀，父大昌，子二，伯鶴松，先生其仲也。九歲大昌公歿，依母屠太夫人以居。

先生幼而岐嶷穎發，自較若成人，就學私塾，家貧無力買書，每從塾師格上抽假讀之，越數日，又往抽易以爲常。涉覽既多，出語驚其長老，應童子試獲雋，年甫十三耳。尤好史地書，喜抵掌談時務，誦鄉先哲黃梨洲遺書，慨然有光復諸夏之志。嘗於里中集廣智學會，討論講習，互證心得。十七歲，入浙江高等學堂，益究心於用世之學，雜治諸子，於管子則治之專，爲文洋洋灑灑，下筆不能自休。

值清政日窳，有志之士，思有以易之，爭爲書報，以相感發，顧禁嚴不易得，先生多方致之。讀至會心處，擊案起舞，或晝然長嘯，聲震四座，同學咸以爲狂，弗屑也。年二十，選清宣統己酉科拔貢生。翌年考職得法官，分發江蘇，充鎮江地方審判庭長。既而曰：是不足以酬吾志也。

初香山孫公創同盟會於日本東京，衆推孫公爲總理，分會遍國內外。先生先既已與蔡元培、

徐錫麟、秋瑾諸志士善，遂加盟焉；因得遍交俊傑謀國之士。尋東渡見孫公，朝夕與會事，是爲先生奉身黨國之始。

辛亥武昌起義，不崇朝而清社屋，先生返國，綜上海民國新聞編輯。屬百度初更，欲以文字靖民志，而納諸軌物，條理密察，不爲高譚可喜之論。民國二年，袁世凱殺宋教仁於上海，主犯匿租界。陳其美既助警吏大索租界，先生復據法理與當事者辯，使主犯卒得引渡。於是世凱之罪大暴，黨人僉議聲討。先生迺走江西，贊李烈鈞舉兵討袁，蘇皖閩滬繼之。

秋討袁軍敗，遶難海東，從孫公籌設中華革命黨。明年，袁氏謀帝制益亟，孫公分檄四方，先生奉命與夏爾璦規浙江，以東南諸省應之。事洩，幾罹難，迺退佐陳其美圖上海，以海軍後時，事未濟，世所謂肇和之役是也。尋又與今總統蔣公暨居正圖山東，以與淞滬兩粵樹犄角之勢，轉戰十餘城，所向披靡，北庭震懾。亡何，滇黔護國軍起，而世凱自斃。

自世凱死，督軍團復稱兵，解散國會，粵桂湘滇黔出師護法。六年九月，孫公就大元帥職於廣州，以先生爲大元帥府機要秘書，行秘書長事；孫公倚之若左右手。八年改中華革命黨爲中國國民黨，命先生視察海外黨務，先生周歷英法意德俄諸邦，所至考鏡其政教風俗，凡可資以取則者，纖細筆之於冊，於社會經濟勞工狀況，尤屬意焉。居美洲時較久，先後肄業於惠斯康新大學、哥倫比亞大學。暇則爲華僑各報撰文，闡揚黨義。會丁屠太夫人艱，道遠不得奔。孫公廉知先生貧，特派林煥廷以幣如紹興，爲治喪，其重先生有如此者。

十二年冬，先生銜命偕蔣公代表國民黨報聘蘇俄，並考察其黨務軍事。翌年春，孫公召集國民黨第一次全國代表大會，整飭黨紀，發布宣言，設中央執行委員會，先生被選爲執行委員。是年夏，歸自歐洲，又代常務委員兼充政治委員會委員、大本營法制委員會委員、粵軍總司令部秘書長、黃埔軍官學校教官、代理政治部主任等職。其冬，孫公北上，先生隨行，充大元帥行營機要秘書，兼北京民國日報社長。

明年春，孫公逝世，先生與孫科、戴傳賢等並受命簽名於遺囑。自是黨中多故，黨員不能堅其所守，先生獨稟節含義，持孫公遺教謹甚。嘗南下就潮梅海陸豐行政長。未幾又北行與同志居正、張繼等會於西山，定計清黨，旣而仍返滬，設中山學院，被推爲院長，以爲欲張三民主義，竟孫公未竟之志，舍教育無以爲也。十五年春推爲中央執行委員會青年部長，逮革命軍北伐，始罷學院，馳驅兵間。

十六年夏，國民政府定都南京，先生充浙江政治分會委員、浙江省政府委員，兼杭州市市長，三月而杭州市政爲之一新。十七年充廣州政治分會秘書長，兼兩廣建設委員會委員，時嶺海以兵燹之餘，百廢待舉，先生手訂廣東建設綱領，於康人羣、盛經濟諸大端，多所擘劃。

立法院初建，以先生爲立法委員，兼立法院經濟委員會委員長。明年春，國民黨召開第三次全國代表大會，先生當選爲第三屆中央執行委員，及政治會議委員，兼充黨史史料編纂委員會常務委員。屬訓政伊始，百度維新，諸凡訓政時期約法起草及民食調劑等要政，先生靡不躬親其役。

，獻替良多。

十九年特任考試院考選委員會委員長，創制諸考選法規，籌備首屆高等考試。二十年充高等考試裏試處主任。時院中考場未建，假京中各校舍以試士，諸端草創，先生督員扶傾補漏，慘澹經營。復值大水，常午夜涉水往來各試場，昕夕在公弗辭勞怨，自是試政規模以立。旋選任國民政府委員、立法院副院長代理院長，兼充全國經濟、財政及首都建設三委員會委員。冬再被選爲第四屆中央執行委員，兼政政會議委員、宣傳委員會主任委員，並再選任國民政府委員。

二十一年選任考試院副院長，未視事。復任立法院副院長代理院長。二十二年解代院長職，副院長如故，兼中央政治會議委員、宣傳委員會主任委員、黨史史料編纂委員會主任委員等職。蓋自南京建都以還，先生翊贊中樞，精勤從公，五六年如一日。二十四年中央草訂憲法，先生爲負責審查之一人，於立國大法，本孫公遺教，獻替尤多。其長立法院也，受任於多事之際，國庫復奇窘，先生勉爲其難，務有所建立，而立法原則，定自中央政治會議，例不得異議。先生挈持綱維，於衆有所可否，不憚往復陳之中央，必得當乃已，殫精竭慮，修明典憲，所立法案綦多。

先生之主宣傳委員會也，居能言之地，宜若可以暢言，顧以外交方棘，言之未盡十一，已有從而議其激者。蓋自日本陷我關東，凡有血氣者，莫不願北嚮死敵，中樞爲策萬全，則固爲緘默以緩之。先生既不獲言之公，其蘊結噴薄而不能自己者，卽悉發之建國月刊，建國月刊者，先生所主筆，時有論獻以與國人共見者也。及長城之役，則又犯風雪，裹糧勞我師於塞上，躬冒彈雨

，撫循古北、喜峯、冷口諸前線將士，曉以明恥衛國大義，三軍皆感奮流涕。於是寇始稍稍指目先生，先生遂不能安其位矣。至二十四年春，迺辭宣傳委員會主任委員。寇聞而大慶，其報章競載，風傳寰宇，蓋仇我者之所快也。賢者進退，動關邦國如此。

自是國事日亟，先生志益不得行，浩然之西陲，遍謁軒轅、周文、武、秦皇、漢帝、唐宗諸陵。遂出嘉峪關，絕流沙，度磧鹵，跨焉支，陵賀蘭，飲馬青海，考傳驗圖，窮覽其山川而歸。歸語人曰：吾自春涉秋，足踐陝甘青寧綏晉各境，辟曉亭障，盱衡皋原，徘徊名勝劇蹟，而益信吾先民之所締造經營，以貽我後人者至大，皇皇然惟不克負荷之是懼，自吾謁諸陵，而恍惚吾祖宗之元靈，如在其上，如在其左右，不自知思古之痛動於中，而汗之濡於四體也。

冬又辭立法院副院長，專領黨史史料編纂委員會，徵文考獻，網羅放失舊聞，意在由黨史進而及國史。嘗建議設置國史館，整理清史稿，庶一代有成書，而後以國史爲新體之創始。又建立黨史史料陳列館，自孫公以逮開國諸先烈之圖像遺墨、符璽兵仗，乃至日用諸器、簡牘檔冊，凡有資興觀而昭芬烈者，罔不廣徵旁蒐，類別燦然，蓋欲發皇黨史之精神，以勵民志，而共完恢復之大業也。

二十五年中央執行委員會胡主席漢民，卒於廣州。十月先生銜命往祭，歸道廣西，得視其治績。時僞滿蒙匪，窺綏遠方亟，蔣行政院長中正，狩於西安，匪軍中有被脅而思輸誠者，潛遣人詣京師，求招撫，逡巡未知所進，間謁先生。先生甫返，慨然曰：機不可失也，當爲圖之，遂如

西安，就謀於蔣公，留語連數日，事有緒矣，而張學良、楊虎城之變猝發。先是先生亦微聞張楊部隊有異謀，然不疑其敢劫持主帥。適西安廣播電臺請演講，先生猶以「思想統一與民族復興」相響，乃竟以是中叛者忌。變起時方黎明，先生與中樞諸文武大吏，並寓西京招待所，亂兵圍之數重，一一從夢中驅而囚繫之，獨指名求索先生，先生叱之，遂發槍，先生身中數彈，越兩日逝於陝西省立醫院，實民國二十五年十二月十四日也，春秋四十有七。彌留遺言：革命黨人，何懼一死，倘得復生，誓除奸殺敵，以復國仇。事聞，中樞震悼，明令國葬，以彰忠藎。

先生恂恂儒者，貌仁而氣和，雍容自將，不爲疾言遽色，然內立崖岸，人不得而易。自奉薄，律己嚴，爲學治事，皆有恒程，雖在播遷中，日記不廢。性好書，當遼難居東，日必至帝國圖書館，其後往來南北，暇輒徜徉舊書肆以爲樂，有餘財盡以付書賈，不稍惜，偶得佳本，如獲拱壁，積中西書十餘萬卷，儼然坐擁百城矣。生平最服膺孫公，言與行皆儀之，所撰著多與孫公書相發明，其心理建設論，博洽深至，胥謂可輔翼孫公實業計劃中之物質建設論。居官無改於素，布衣韋帶，以刻苦勤勞爲其屬倡，而尤自矢一敬字。嘗言今日委媿靡惰之習，皆由不敬而來，記曰：「毋不敬」，論語曰：「敬事」，君子莊敬則曰強，其敢以不敬蒞官乎哉？喜禮接學人，獎掖後進，遇一技之長，一藝之美，稱之不絕口。休沐之際，亦或挈僮侶爲山澤之游，然亦但有文酒之會，不以聲氣相高也。餘事爲詩書畫，詩擅古體，韻味醇足，風骨高騫，近作彌多哀感豪宕之音；書樸厚勁秀，求者無不應，畫未嘗學，偶寫松石，盤錯磊砢有奇致，則輕不爲人作。自頃

外侮洊臻，內患頻仍，人心陷溺，無是非功罪，公居恒爲國亡民隳是懼，於一身進退，不少措意，閉戶著述，茹苦自甘。每讀史至宋明季世，輒喟然曰：胡不幸與我國今日同耶！嘗手輯民族正氣文鈔、軍國民詩選以見志。謂民族存亡，視乎人事，人事成敗，視乎志氣，我不欲自亡，人孰得而亡我。振奮之道，在於明恥，明恥之道，莫若矜式古人之精忠大節，及其壯烈之文字。雅人有言，我不見兮，言從之邁，誦其詩，讀其書，尚想其人，有不發揚踔厲而思興起者哉。又曰：生死之事小而名節之事大，一身生死之事小，而民族存亡之事大，所惡有甚於死者，則於可當死之際，決然舍生而不辭，以保一己及民族之人格。觀先生之臨難不苟，灝然之氣塞天壤，信可謂奮乎百世之下，與先烈爭光，而能廉頑立懦者已。

先生所著書行世者，有心理建設論、各國革命史略、孫文主義總論、建國之路、軍國民詩歌選、民族正氣文鈔、美國勞工狀況。待刊者，有國家建設論、經濟建設論叢、教育建設論叢、總理護法實錄、中華革命黨略史、中國政治文選。已寫定者，有毗梨耶室隨筆、省察日錄、知愧日劄、讀書日錄、東美鴻爪錄，其他玄圃詩文集若干卷，都五十餘萬言。



邵元冲先生遺像



。影合等（一右、一左）婦夫正居與（二右）生先冲元邵

邵元冲先生文集 總目

上冊 目錄

凡例

傳略

圖片

邵元冲先生遺像

民國三年邵元冲先生與居正夫婦蘇曼殊先生合影

民國七年邵元冲先生與朱執信廖仲愷吳醫生在上海合影

民國九年冬先總統 蔣公餞別邵元冲先生赴美與戴季陶周佩箴蕭紹秋諸先生留影淞濱

民國十三年邵元冲先生偕夫人張默君女士在廣州合影

民國二十五年邵元冲先生偕夫人張默君女士及吳稚暉蔡元培等先生游雁蕩山靈巖寺合影

民國二十五年冬邵元冲先生西安殉國前一日留影

壹、論述

始皇築長城煬帝開運河功過比較論	民國前三年（一九〇九）	一
元世祖從盧世榮言立規措所論	民國前三年（一九〇九）	四
楊子取爲我拔一毛而利天下不爲也墨子兼愛摩頂放踵利天下爲之義	民國前三年（一九〇九）	六
厥貢惟金三品義	民國前三年（一九〇九）	七
國君進賢如不得已義	民國前三年（一九〇九）	八
敷奏以言明試以功義	民國前三年（一九〇九）	一〇
唐高智周爲壽州刺史每行部必召學官諸生試其講誦訪以經義及時政得失論	民國前三年（一九〇九）	一一
女子教育之先決問題	民國二年	一二
女權與國家之關係	民國二年四月	一五
黨政泛論	民國二年五月	二一
英國的新村運動	民國十二年十月七日	三四

陳英士先生革命小史	民國十四年十月	四〇
工廠勞工狀況的調查方法及應注意之點	民國十五年四月	六一
朝鮮銅字本四書五經大全考	民國十六年二月	七九
訓政時期地方行政計畫	民國十七年六月	八七
本黨繼往開來的新生命	民國十八年三月	一一三
總理學說	民國十八年五月	一三〇
中華革命黨略史	民國十八年六月	一三五
總理護法實錄	民國十八年七月	一四七
紀念雙十節與完成訓政	民國十八年十月十日	一六九
肇和戰役實紀	民國十八年十二月	一七二
建國之路	民國十八年	一七九
訓政的意義與實行	民國十八年	二〇三
建國的兩重基礎	民國十九年一月	二一一
過去的反省與建設的基礎	民國十九年十月十日	二一八
圖治之本在發揚國民固有之道德	民國二十年一月	二二三
革故鼎新	民國二十年三月	二二七